

入南京赴蓬瀛顯出王風九轉成超然得上昇 寵何榮辱何
驚三髻山侗絕利名何愁性不靈

贈小張仙

小張仙小張仙欸欸搜尋汞與鉛先須縛馬猿 氣綿綿氣綿
綿龍虎相交玉蕊鮮金丹一粒圓

贈任仙

左擎蒼右牽黃昔日存心飛走忙如今萬事忘 飲瓊漿宴明
堂瑞氣祥光入絳房無中得弄璋
燕銀釭虎龍降自在逍遙吸九江從思惡肉腔 結紅霜赴蓬
莊萬朶金蓮簇寶幢方知好道龐

道藏輯要

漸悟集

五

胃集七
四八

寄長春子邱通密

長思仙長思仙思憶長春子最賢何時得面圓 展花牋展花
牋寫就清吟三兩篇專憑鸞鶴傳
功要圓行要圓修鍊身中子母圓何愁性不圓 喜團圓十分
圓雲水風邀月正圓無分晝夜圓
遇重陽夢純陽熱起心香禮正陽三師助我陽 鍊陰陽固元
陽五色霞光簇太陽雲中子抱陽
酒初醒夢初驚幻化何須戀利名灰心遠世情 月初明性初
平倒泝清流過玉京黃芽漸漸榮
屋貪多地貪多不若灰心厭事多崇真利益多 天如何地如

何富貴榮華待若何輪迴奈我何

贈魏害風

害風仙害風仙萬事俱忘理太玄調和汞與鉛 結金蓮結金蓮九轉功成性月圓超凡入洞天

贈零口權先生

出家兒處無爲至死如同初出時何愁道不知 內慈悲外慙癡絕慮忘機無執迷刀圭有分攜

朝清清暮清清淨清閑清淨清淨清更清 抱靈靈固靈靈靈顯靈明靈顯靈靈靈更靈

壘浮圖壘浮圖悟徹浮生惡假軀回頭認本初 莫躊躕莫躊

道藏輯要

漸悟集

去

胃集七
川久文

躡急急修完無價珠功成蓬島居

贈眾女姑

女姑聽女姑聽學取麻姑至清淨依他妙善行 莫惺惺莫惺惺外做慙癡內自靈功成赴玉京

贈六曲社丁李張三道友

休哀人休哀人急急灰心哀自身回頭結善因 早搜眞早搜眞營養身中神內神功成禮洞賓

望蓬萊 十七首

首化姚珉

破故紙綴襖可防風坐卧不愁寒水石雪中敢採麥門冬從此